

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA PRAVOSUĐE I UPRAVU**

Broj: 06-30- 13179 /21
Datum, 01.10.2021. godine

Na osnovu člana 28., a u skladu sa članom 26. Zakona o notarima („Službene novine Federacije Bosne i Hercegovine”, broj: 45/02) i odredaba Uredbe o broju notara za područje Zeničko-dobojskog kantona i njihovom službenom sjedištu („Službene novine Zeničko-dobojskog kantona”, broj: 15/03), ministar Ministarstva za pravosuđe i upravu Zeničko-dobojskog kantona, raspisuje sljedeći

**KONKURS
za izbor notara sa službenim sjedištem na području
Zeničko-dobojskog kantona**

Predmet Konkursa

Predmet ovog konkurs je izbor notara sa službenim sjedištem u Zeničko-dobojskom kantonu za:

- **Grad Zenicu1 notar sa sjedištem u Gradu Zenica,**
- **općinu Kakanj..... 1 notar sa sjedištem u općini Kakanj,**
- **općinu Zavidovići..... 1 notar sa sjedištem u općini Zavidovići,**
- **općinu Tešanj 1 notar sa sjedištem u općini Tešanj,**
- **općinu Maglaj1 notar sa sjedištem u općini Maglaj,**
- **općinu Breza 1 notar za općinu Breza.**

Postupak izbora notara, izvršit će se u skladu sa relevantnim odredbama Zakona o notarima („Službene novine Federacije Bosne i Hercegovine”, broj: 45/02).

Opšti uslovi za izbor notara

Kandidati mora kumulativno ispunjavati sljedeće uslove:

1. da je državljanin Bosne i Hercegovine,
2. da ima poslovnu sposobnost i ispunjava opšte zdravstvene uvjete,
3. da je diplomirao na pravnom fakultetu u Bosni i Hercegovini ili na pravnom fakultetu u SFRJ prije 06.04.1992. godine. Ukoliko je diploma stečena na pravnom fakultetu u nekoj drugoj državi, ovaj uslov se stiče nakon nostrifikacije diplome od nadležnog organa,
4. da je položio pravosudni ispit u Bosni i Hercegovini, ili u SFRJ prije 06.04.1992.godine.
Ukoliko je pravosudni ispit položen u nekoj drugoj državi, ovaj uslov se stiče nakon priznavanja ispita od strane Federalnog ministarstva pravde,
5. da nije osuđivan na kaznu zatvora za krivična djela protiv čovječnosti i međunarodnog prava, protiv službene ili druge dužnosti ili za drugo krivično djelo izvršeno s umišljajem, koje u vrijeme imenovanja još nije brisano iz kaznene evidencije koju vodi nadležni organ,
6. da nije član neke političke partije,
7. da ima položen notarski ispit.

Potrebni dokumenti

Kandidati su dužni priložiti originalne dokumente ili ovjerene fotokopije sljedećih dokumenata:

1. Prijavu sa biografijom, adresom i kontakt telefonom,
2. Izvod iz matične knjige rođenih (ne stariji od 3 mjeseca),
3. Uvjerenje o državljanstvu Bosne i Hercegovine (ne starije od 3 mjeseca),
4. Uvjerenje o zdravstvenoj sposobnosti (ne starije od 6 mjeseca),
5. Diplomu o završenom pravnom fakultetu,
6. Uvjerenje o položenom pravosudnom ispitu,
7. Uvjerenje o položenom notarskom ispitu,
8. Uvjerenje nadležnog Ministarstva unutrašnjih poslova da nije osuđivan za krivična djela protiv čovječnosti i međunarodnog prava, protiv službene i druge dužnosti, ili za drugo krivično djelo izvršeno s umišljajem, koji u vrijeme imenovanja još nije brisano iz kaznene evidencije koju vodi nadležni organ (ne starije od 6 mjeseca),
9. Ovjerena izjava da nije član političke partije.

Rok za podnošenje prijava i objava Konkursa

Rok za podnošenje prijava na ovaj konkurs iznosi 30 (trideset) dana od dana posljednje objave ovog konkursa.

Konkurs se objavljuje u dnevnom listu „Oslobođenje“, te u „Službenim novinama Federacije Bosne i Hercegovine“ i „Službenim novinama Zeničko-dobojskog kantona“.

Rok za obavješćavanje kandidata o rezultatima konkursa i konkursni postupak

Ministarstvo za pravosuđe i upravu Zeničko-dobojskog kantona, dužno je u roku od najkasnije trideset (30) dana nakon isteka roka za podnošenje prijave na konkurs, izvršiti izbor notara.

Kandidati koji ne budu izabrani za notara, dobijaju pismeno obavješćenje, koje sadrži razloge zbog kojih oni nisu izabrani, kao i podatke o kandidatu, koji je izabran za notara.

Protiv rješenja o izboru notara, može se u roku od osam (8) dana nakon prijema Rješenja, odnosno obavješćenja, uložiti prigovor federalnom ministru pravde. Prigovor protiv Rješenja o izboru kandidata za notara zadržava izvršenje Rješenja.

Federalni ministar pravde je dužan u roku od trideset (30) dana od dana prijema prigovora odlučiti o istom. Rješenje kojim je odlučeno o prigovoru je konačno.

Protiv Rješenja kojim je odlučeno o prigovoru, kandidat ima pravo na zaštitu svojih prava pred nadležnim sudom, odnosno pred drugim državnim organima u skladu sa zakonom, u roku od trideset (30) dana od dana prijema rješenja donesenog po prigovoru.

Mjesto i način prijavljivanja

Prijava na ovaj Konkurs, sa traženim dokumentima, dostavlja se lično ili preporučenom poštom na adresu:

Ministarstvo za pravosuđe i upravu Zeničko-dobojskog kantona, ulica Kučukovići broj 2, Zenica, uz naznaku:

„Prijava za izbor jednog notara sa službenim sjedištem na području Zeničko-dobojskog kantona – za grad Zenicu „– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Kakanj „– Ne otvarati,

„Prijava za izbor jednog notara sa službenim sjedištem na području Zeničko-dobojskog kantona – za općinu Zavidovići,– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Tešanj,– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Maglaj,– Ne otvarati,

Prijava za izbor jednog notara sa službenim sjedištem na području Zeničko-dobojskog kantona – za općinu Breza,– Ne otvarati,

Na poledini koverta navesti ime i prezime podnosioca, adresu i kontakt telefon.

Nepotpune i neblagovremene prijave neće biti razmatrane.

Dostavljeno:

1 x „Sl. novine FBiH“

1 x Dnevni list „Oslobođenje“ Sarajevo

1 x „Sl. novine Zeničko-dobojskog kantona“

1 x U spis

1 x a/a



MINISTAR


Nebojša Nikolić



Bosna i Hercegovina, Zenica, Kučukovići br. 2
telefon: 032/ 460 740 i 460 741; Fax: 032/460 742
e-mail: min.pravosudje@zdk.ba,
www.zdk.ba

